

ТОШКЕНТ ШАҲАР
МАҲАЛЛАЛАР
ИШИНИ
МУВОФИҚЛАШТИРИШ
КЕНГАШИНИНГ
РЎЗНОМАСИ
Ҳар ойда икки марта
чиқади.
«Тошкент оқшоми»
нашри.

Маҳалладош

МУРУВВАТ

Жумҳуриятимиз мустақилликка эришгач жамиятимизда ажойиб воқеалар содир бўлмоқда. Инсон қадриятини кўтариш унинг турмуш даражасини яхшилаш соҳасида анчагина ишлар қилинмоқда. Аҳолининг иқтисодий-иқтисодий таъминотини яхшилаш борасидаги Президентимиз И. А. Каримовнинг Фармонлари киши руҳини кўтариб, янги ижодий меҳнат зафарларига чорламоқда.

Иқтисодий танглик шароитида кишилар тўғрисида гап-хўрлик қилишга не етсин? Утган йилнинг ўзида бизнинг маҳалла аҳолисига бир неча хил савдо хизматлари ташкил этилди. Жумладан, газмоллар, қалиш, атир совуналар, шунингдек, картошка, пивёз каби аҳолига зарур нарсалар сотилди. Юқоридаги саноат ва озиқ-овқат молларини сотишда маҳалла комитети савдо ходимларига яқиндан ёрдам берди. Маҳаллада сайланган уч кишилик савдо комиссияси аъзоларининг бу борадаги хизматлари ҳаммани хурсанд қилди. Чунки савдо қондалари бузилмади, ҳеч кимдан шикоят аризалари тушмади.

Бу йил ҳам янги йил арафасида ўтган йилдаги каби болаларга янги йил совғалари билан бирга киним-кечаклар ҳам тақдим этилди. Совғалар ичида болаларга манзур бўладиган куртқалар, кўйлақлар, шим, юбка, пойабзал, ҳатто кичкинтойларни қувонтирадиган ўйинчоқларгача бор эди.

Маҳалла комитети аъзолари бу совғаларни тарқатишда аввало кўп болали оилаларни ҳисобга олиши ва ҳаммаларини маҳалла идорасига йиғиб, янги йил билан табриклаб, совғаларни бирма-бир ўз қўлларига топширишди. Бундай мурувват маҳалла аҳолида жуда яхши таассурот қолдирди. Айниқса болаларнинг шодлигини айтмайсизми.

Сайфиддин РИХСИЕВ,
Чилонзор районидagi «3-Чарх-Камолон» маҳалла комитетининг раиси.

ДАВОЛАНИШ— КУНДУЗИ

Кейинги пайтларда шаҳримиздаги поликлиникалар қошида кундузги даволаш касалхоналарининг очилиши яхши аъзна тусини олмақда. Бундай касалхоналарда беморлар кундузи даволаниб кечкурун уйларига қайтишлари мумкин. Бу эса сурункасига касалхонада ётиш имконияти бўлмаган беморларга катта қулайлик туғдирди. Кундузги касалхоналарда аксарият қон босими, ошқозон, асаб касалликлари билан оғриган беморлар шифо топмоқда.

Киров районидagi 12, 31, 26-поликлиникалар қошида учта шундай касалхона беморларга намунали хизмат кўрсатяпти.

Сабдулла СУЛТОНОВ.

Б. МАНСУРОВ.



ТОШКЕНТ. 25 ЯНВАРЬ 1992 ЙИЛ. СУРАТДА: Ўзбекистон Республикаси Президенти Ислам Каримовнинг шаҳар маҳалла комитетлари раислари ва оқсоқоллари билан учрашувида. Рустам Шарипов сурати.

МАҲАЛЛА ФАОЛЛАРИ БИЛАН УЧРАШУВ

Аввал хабар берганимиздек, Ўзбекистон Республикаси Президенти Ислам Абдуганиевич Каримов 25 январь куни Тошкент шаҳар маҳалла комитетлари раислари ва оқсоқоллари билан учрашди. Учрашувни Тошкент шаҳар Ҳокими А. И. Фозилбеков очди.

Ислам Абдуганиевич кўпдан бери шаҳар оқсоқоллари билан учрашиб, улар билан суҳбат қуриш ниятида эдилар. — деди у. — Президентимиз кўп муаммо ва масалаларни ҳал қилишда халқ фикрига таяниб иш тутишни маъқул кўрадилар. Айниқса, маҳалла комитетларини бу борада яқин ёрдамчи деб билдилар.

Шаҳар ҳокими Талабалар шаҳарчасидаги ноҳуш воқеалар ҳақида ҳам тўхталиб, бу ишлар шу ерда жойлашган айрим илмоҳлар раҳбарларининг лоқайдлиги сабабли содир бўлганини таъкидлади. У истиқлол байроғини юқори кўтараётган республикамиз шаънига доғ тушириш ниятида бўлган баъзи кимсалар, бузгунчиларнинг танобини тортиб қўйишда маҳалла комитетлари Президентимизга яқин кўмакдош бўлиши лозимлигини айтди.

Сўнгра Ўзбекистон Республикаси Президенти И. А. Каримовга сўз берилди.

— Авваломбор сизлар билан учрашганимдан хурсандман, — деди у, — сизларни бу ерга таклиф қилишдан мақсад бир пиёла чой устида фикр алмашиш, бир-биримиз билан яқин мулоқотда бўлиш эди. Мен Тошкент шаҳри аҳолисидан жуда миннатдорман. Президентликка сайлов пайтида уларнинг 94 фоиздан кўпроғи менинг номзодим учун овоз берди. Бу мен-

га билдирилган катта ишонч, албатта. Мен ҳам ўз навбатида шу ишончни оқлашга, шаҳар ободончилиги, аҳоли яшаш шароитини яхшилашга илжи борича кўмаклашишга, юртимиз тинчлиги, ҳар бир хонадон фаровонлигини таъминлашга ҳаракат қиламан. Бу ишда мен асосан маҳалла комитетларининг фаоллари ёрдамига таяниш ниятидаман.

Бугунги учрашув ҳозирги иқтисодий танглик пайтида маҳаллаларда яшаётган одамларнинг ҳаёт тарзини ўрганишга ёрдам беради деган умиддаман. Урганадиган масала ва муаммолар эса кўп. Булар бозор иқтисодиётига ўтиш шароитида аҳолини иқтисодий жиҳатдан ҳимоя қилиш, болалар тарбияси, дин ва диндорлар масаласи, кишилар ўртасида меҳр-мурувватни, инсоф ва адолатни, оқибатни кучайтириш, шунингдек, тобора илдиз отиб бораётган чاقқовчиллик, савдогарчилик, киноятчиликка қарши кураш масалаларидир.

Хўш, бу муаммоларни ечишда қандай йўл тутиш керак? Тўғри, бу борада маслаҳат берадиганлар кўп. Аммо астойдил кўмаклашувчи жонкуярлар кам. Шунинг учун мен бу ишда маҳалла фаолларига таянаман ва сизлардан ёрдам сўрайман. «Отанг маҳалла, онанг маҳалла» деб бежиз айтишмаган-ку, ахир.

Президент саройида бир пиёла чой устида ўтказилган самимий учрашув эркин мулоқотга айланиб кетди. Тошкент шаҳар Кенгаши маҳаллалар билан ишлаш доимий комиссияси раиси Ш. Темуров сўзга чиқиб, республикамиз пойтахти маҳаллаларида олиб

бўрилаётган ишлар, уларнинг долзарб муаммолари тўғрисида гапирди. Нотиқнинг таъкидлашича, Тошкентда 350 дан ортиқ маҳалла комитетлари фаолият кўрсатмоқда. Ҳукуратимиз томонидан ишлаб чиқилган ва 1990—1995 йилларга мўлжалланган «Маҳалла» дастури улар фаолиятида асосий йўл-йўриқ бўлмоқда. Жумладан, икки йилда қарийб 80 километр канализация, 90 километрдан ортиқ табиий газ қувури ўтказилди, 10 мингдан ортиқ хонадонга телефон туширилди, 30 га яқин магазин, поликлиника ва бошқа объектлар қурилди. Бир миллион квадрат метрга яқин йўллар таъмирланди. Аммо мактаб, болалар боччалари, электр тармоқлари, йўл, транспорт, алоқа, сув таъминотидаги ишлар ҳали қониқарли эмас.

Ш. Темуров маҳалла комитетлари ишига эътиборни янада ошириш борасида бир қанча истак ва мулоҳазалар билдирди. Қўшни, қардош республикалардаги, илжи бўлса хоржий мамлакатлардаги маҳалла комитетлари билан тажриба алмашиб турилса, илгор маҳалла комитетлари тўғрисида ҳужжатли фильмлар, фотоальбомлар яратилса, уларнинг иш фаолияти кенг тарғиб этилса. «Тошкент оқшоми» рўзномасида илова тарзида чиқаётган «Маҳалладош» республика рўзномасига айлантирилса, маҳалла фидойиларини маънавий рағбатлантириш учун бирор унвон таъсис этилса.

Ҳамза район маҳалла комитетлари ишини мувофиқлаштириш кенгаши раиси Н. Ҳасанов, Октябрь районидagi «Наврўз» маҳалла комитетининг раиси О. Ортиқов, Акмал Икро-

мов район маҳалла комитетлари ишини мувофиқлаштириш кенгашининг раиси С. Мирзаев, Киров район 15-мавзе комитети раиси Э. Қодировлар ҳам сўзга чиқиб, мавжуд муаммоларни ҳал этиш, камчиликларни бартараф қилиш юзасидан ўз фикр-мулоҳазаларини билдирдилар.

Ўзбекистон Республикаси Президенти И. А. Каримов нотиқлар илгари сурган таклиф ва мулоҳазаларга ўз фикрини билдирди. У ҳозирги вақтинчалик иқтисодий танглик даврида аҳолини илжи борича иқтисодий жиҳатдан кўпроқ қўллаб-қувватлаш мақсадида амалга ошириладиган вазифалар тўғрисида тўхталиб ўтди, кейинги пайтда деярли йўқолиб кетаётган миллий урф-одатларимизни, анъаналаримизни тиклашимиз, ёшлар тарбияси билан кенгроқ шуғулланишимиз лозимлигини таъкидлади. Ҳар бир маҳаллада чорроқ бўлса-да цехлар, кичик корхоналар очишга эришилса, айти мударо бўларди. Қолаверса, маҳаллаларга маданият кенг кириб бориши керак. Айниқса, чойхоналар фаолиятига катта аҳамият бериш, уларнинг шароитини яхшилаш лозим. Токи улар кишилар хордиқ чиқарадиган маданият масканига айлانسин. Бу ишда маҳалла комитетлари ташаббусни ўз қўлларига олишлари керак, уларга эса зарур ёрдам кўрсатилиши лозим.

Учрашув қатнашчилари пойтахтдаги 350 дан ортиқ маҳалла аҳли номидан халқ фаровонлиги йўлида, юрт осойишталиги ва ҳар бир фуқароннинг тўқин яшаш ҳақида чинакам гапхўрлик қилаётганлиги учун Президентимизга астойдил миннатдорчилик билдирдилар. Улар ҳар қандай вазиятда ҳам Президент билан елкадош эканликларини, унинг ишларини қўллаб-қувватлайверишларини таъкидладилар.

